

PERMULAAN PROJEK KAMPUS TETAP KUKUM

Dengan kehadiran Exco Universiti dan ketua-ketua jabatan KUKUM, majlis bacaan doa selamat telah dijalankan bagi memulakan projek pembinaan kampus tetap bagi fasa 1 A1. Pembinaan fasa 1 A1 melibatkan kerja-kerja tanah dan sementara yang berkaitan dengan pembinaan platform bangunan untuk Pusat Pengajian Mekatronik dan Pusat Pengajian Pembuatan. yang dijangka siap pada 12 September 2006.

Rektor KUKUM Profesor Dato Dr Kamarudin Hussin berkata, projek sulung kampus tersebut telahpun bermula minggu lepas dan dijangka siap sepenuhnya menjelang 2010. Bagi pembinaan Fasa 1 ianya dijangka siap sepenuhnya pada tahun 2009.

Katanya lagi, KUKUM akan mengekalkan 40 peratus konsep "distributed campus" seperti yang terdapat sekarang bagi mewujudkan interaksi sosial antara pelajar dan masyarakat umum.

Sejumlah nilai diperuntukkan kepada Kolej Universiti Kejuruteraan Utara Malaysia-KUKUM dalam Rancangan Malaysia ke-9 bagi membangunkan kampus tetapnya di Ulu Pauh dengan membina pusat-pusat pengajian dan dewan kuliah.

